


Mahalla binosi foydalanishga topshirildi

18.09.2021 - 11:42





Istiqlolimizning 30 yillik bayrami shukhi davom etayotgan pallada Toyloq tumanidagi Ukrach mahalla fuqarolar yig'inining yangi binosi foydalanishga topshirildi. Davlat sherikchiligi asosida tadbirkor Bahridin Ro'ziboyev tomonidan zamonaviy loyihalar asosida barpo etilgan mazkur bino Ukrach mahallasida istiqomat qiluvchi 1100 ta oilaga ajoyib bayram tuhfasini bo'ldi. Shuningdek, mahalla fuqarolar yig'ini yonida choyxona, stomatologiya hamda savdo shaxobchalari ham o'rin olgan.



Binoning ochilish marosimida tuman hokimi Bahodir Bobonazarov 4-sektor rahbari Sh. Sharipov hamda keng jamoatchilik vakillari ishtirok etishdi. Tadbirda soʻzga chiqqan tuman rahbari mustaqillik yillarida yurtimizda huquqiy demokratik davlat hamda fuqarolik jamiyatini barpo qilish borasida amalga oshirilgan keng koʻlamli islohotlar jarayonida mahalla institutini rivojlantirishga katta eʼtibor qaratilgani, bu tizimni yanada rivojlantirish, uni eng xalqchil tuzilmaga aylantirish borasida qator ishlar amalga oshirilayotganini taʼkidladi.





Shundan so‘ng mahalla oqsoqollari qizil lentani kesib, binoni ochib berishdi va bu yerda yaratilgan shart-sharoitlar bilan tanishishdi.

Mahalla binosida xodimlarning faoliyat yuritishi uchun barcha qulayliklar yaratilgan. Ma'naviyat xonasi, mahalla fuqarolar yig'ini raisi xonasi, mahalla raisining oila, xotinqizlar va ijtimoiy-ma'naviy masalalar bo'yicha o'rinbosari, mahalla raisining huquq tartibot ishlari bo'yicha o'rinbosari, tomorqa va tadbirkorlik ishlari bo'yicha o'rinbosarlari uchun alohida xonalar ajratilgan bo'lib, kerakli jihozlar bilan ta'minlangan.





Nigina Rahmatova,
tuman hokimining matbuot kotibi.
